

"Jahannum Full Bayaan"

=====Imp=====

Jahannum Me Sabse Pahle Dale Jane Wale 3 Shakash

Bismillahir-Rahmanirraheem

Imam Tirmizi Ne Ek Tabi **Hazrat Shafi Ashabi (Rh)** Ka Waqeya Bayan Farmaya Hai - Ki Wah Madeena Pahuncha To Dekha Ki Bahut Se Log Ek Buzurg Ke Aas Paas Jama Hain, Unhone Poocha Yah Buzurg Kaun Hain? To Logon Ne Bataya Ye **Sahabi E Rasool Abu Hurairah Ra Hain**, Iske Baad We Apna Waqeya Bayan Karte Hue Farmate Hain:-

" Wah Logon Ko Hadees E Nabi Suna Kar Dars De Rahe They, Main Ahista Ahista Qareeb Hote Hote Aap (hz Abu Huraira) Ke Saamne Ja Baitha, Jab Wah Dars Se Faarig Hue Aur Log Uthkar Jaane Lage:-

To Maine Arz Kiya: Main **Aap (ra)** Ka **Waasta Dekar Arz Karta Hun** Ki Aap Mujhe Aisi Koi Hadith Sunaaye Jo Aapne Janab **Rasool'Allah (Sallallahu Alaihi Wasallam)** **Se Barahe Raast Suni Aur Samjhi Ho Aur Aap Ko Acchi Tarah Yaad Ho,**

♦ **Abu Hurairah (ra)** Ne Farmaya: "***Haan Main Sunaunga, Main Aisi Hi Hadith Sunaunga***★»* Jo **Rasool'Allah (Sallallahu Alaihi Wasallam)** Ne Mujhe Sunaayi, Aur Maine Use Samjha Aur Yaad Kiya",

»***Phir Achanak Unki Tabiyat Kharaab Ho Gayi (Gashi Tari Ho Gayi) –*Thodi Der Baad Hosh Theek Huwa To Farmaya:" Main Aapko Zaroor Wah Hadith Sunaoga**★»* Jo Rasool'Allah (ﷺ) Ne Mujhe Is Ghar Me Sunaayi Thi, Us Waqt Aap(ﷺ) Ke Paas Mere Elawa Koi Nahi Tha"

»* **Itna Kahte Hi Phir Halat Kharaab Ho Gayi, (Gashi Tari Ho Gayi) –**Jab Aaraam Huwa To Chehre Se Paseena Pochne Lage, Phir Farmaya:-***Haan, Main Aapko Zaroor Wah Hadith Sunaunga***★»*, Jo Aap (ﷺ) Ne Mujhe Sunaayi Thi, Jabki Main Is Ghar Me Nabi (ﷺ) Ke Hamraah Tha, Mere Siwa Aap (ﷺ) Ke Saath Aur Koi Nahi Tha",

»* **Iske Baad Abu Hurairah Ra Ki Haalat Phir Kharaab Ho Gayi (Gashi Tari Ho Gayi) –**Aur Aap(ra) ***Chehre Ke Bal Jhuk Gaye, Maine Bahut Der Tak Aap (ra) Ko Sahara Diye***★»* Rakha, Tab Aap (ra) Ki Haalat Sambhli To Farmaya:

Mujhe Janab **Rasool'Allah (Sallallahu Alaihi Wasallam)** Ne Yah Hadith Sunayi Ki:- " Jab Qiyamat Ka Din Hoga **Allah Taala Bandon Ke Darmiyaan Faisla Karne Ke Liye Zameen Par Tashreef Farma Hoga**, Har Jamaat Ghutne Ke Bat Jhuki Hui Hogi,

+++++

****Sabse Pahle Allah Taala Jin Logon Ko Bulaayenge***★»*

*(1). Unme Se Ek Shakhs Wah Hoga Jisne Qur'an Paak Yaad Kiya Hoga,

*(2). Aur Ek Wah Shakhs Hoga Jo Allah Ki Raah Me Jung Karta Raha Hoga,

*(3). Aur Ek Bahul Maaldaar Shakhs Hoga,

1. »* Allah Taala (Qur'an Ke Aalim) Se Farmayenge –

Kya Maine Wah Kitab Nahi Sikhaayi Thi Jo Maine Rasool Par Naazil Ki Thi? Wah Kahega, Ji Haan Ya Rabb!, **Allah Taala Farmayega:** Phir Tune Apne Ilm Par Kaise Amal Kiya? Wah Kahega, Main Raat Din Usme Mashgool Rahta Tha, **Allah Taala Farmayega:** **Toone Jhoot Kaha, ★** Aur Farishte Usse Kahenge Toone Jhoot Kaha, Allah Taala Farmayenge: **Teri Niyat To Yahi Thi Ki Kaha Jaaye Falan Shakhs (bada) Qaari Aur Aalim Hai, Wah (duniya Me) Kaha Ja Chuka,**

2. »* Isi Tarah (Maaldaar Shaks) Ko Haazir Kiya Jaayega –

Allah Taala Usse Farmayenge: Kya Maine Tujhe Maaldaari Nahi Bakshi Thi Yahan Tak Ki Maine Tujhe Kisi Ka Mohtaaj Na Rahne Diya ? Wah Kahega: Ji Haan, Ya Rab. Allah Taala Farmayenge: Phir Tune Mere Diye Hue Maal Ka Kya Kiya? Wah Kahega, Main Rishtedaaron Par Ahsaan Karta Tha Aur (sab Zaroorat Mando Par) Sadqa Karta Tha, **Allah Taala Farmayega:** **Tu Jhoota Hai, ★** Farishte Bhi Kahenge: Tu Jhoota Hai, Allah Taala Farmayenge: **Tu Yah Chahta Tha Ki Log Yah Kahen: Falan Shakhs Bahut Daani Hai Wah(duniya Me) Kaha Ja Chuka,**

3. »* Isi Tarah (Allah Ki Raah Me Qatl Hone Waale) Ko Haazir Kiya Jaayega –

Allah Taala Usse Farmayenge: Tujhe Kis Liye Qatl Kiya Gaya? Wah Kahega: Mujhe Teri Raah Me Jihaad Ka Huqm Mila, To Main Jung Karta Raha Yahan Tak Ki Main Qatal Kar Diya Gaya, **Allah Taala Use Farmayenga:** **Tu Jhoota Hai, ★** Farishte Bhi Use Kahenge: Tu Jhoota Hai, Allah Taala Farmayenge: **Balki Teri Khwahish Sirf Yah Thi Ki Kaha Jaaye: Falan Bahut Bahadur Hai, Wah Kaha Ja Chuka",**

♦ Iske Baad Janab Rasool'Allah (Sallallahu Alaihi Wasallam) Ne **Mere Ghutne Par Haath Maar Kar Farmaya★**:- "Abu Hurairah! Ye Teen Log Hain, Jo Qiyamat Ke Din Tamam Makhlooq Me Sabse Pahle Jahannam Me Jhoke Jaayenge"

– (Sunan Tirmizi, Kitaab Sift Qiyamat Baab 49, Wa Sunan Ibne Maaja, Kitaab Zuhud, Baab Zikr Tauba H 4251, Allama Albani Ne Hadith Ko Hasan Kaha Hai)

=====Very Imp=====

Jahannum Ke Sabse Nichley Gadhey Me Azaab ,...

*Jis Trah Jannatiyo Ka Maqaam Bulandiyo Par Hai ,..

Usi Tarha Gunahgaro Ke Azab Ki Sakhtiya Jahannum Ki Gehrayion Me Hai★

*Lihaja Jo Jitna Jyada Gunahgaar Uske Azab Ki Shiddat Bhi Utne Sakht,...

-----Munafiqo Par Azaab -----

Munafiqat Kya Hai aur Unhe Itni Sangeen Saza Kyu ?

Allah Ke Nazdeeq”**Shirk Aur Kufr Se Bhi Jyada Sangeen Jurm Nifaq (Munafiqat)* ★»* Hai.

Yaani Koi Shakhs Jo Andar Se Kafir-wa-Mushrik Hai Aur Logon ko Dikhane ke Liye Imaan Ka Dawa Karey.

Ta’aki Momino ki Safo me Daakhil hokar Unme Inteshar Faila Saakey ,..

– Aise Shakhs Ko Munafiq Kaha Jata Hai Jo Allah Ke Nadeez**Sabse Bada Gunahgaar*»* Hai.

* Isiliye Aise Munafiqo Ke Sangeen Jurm Ke Sabab Allah Rabbul Izzat Ne *Jahnnnum Ki*

Sabse Gehrayio Me Azab Rakha Hai Jiske Talluk Quraan Me Allah Taala Farmata Hai –

♥ **Al Quran:**– Munafiq Wo Hai Jo Jahannum Ke Sabse Nichley Gadhey Me Rahne Waley Han”

– *(Surah(4) Nisa; Aayat-145)*

Munafiqo Ki Sifat: Aur Aise Shakhs Ki Sifat Bayan Karte Hue ,

Allah Ke Rasool (Sallallahu Alaihi Wasallam) Ne Farmaya Ki –

♥ **Mahfum-e-Hadees:** Chahr Adatey Aesi Hai Ki,

**Jinke Andar Bhi Wo Hongi Wo Munafiq Hoga*★»*

Unn Chahr Me Se Agar Koi Ek Paayi Jaayegi Tou Uske Andar Nifaaq Ki Ek Aadat Hogi,

Yahan Tak Ki Usey Chhor De”.

*(1). Jab Boley Tou Jhoot Boley.

*(2). Waada Karey Tou Poora Na Karey.

*(3). Lade-Jhagde Tou Gaali Baakey.

***(4). Muaahida(Deal) Kare Tou Dhoka De.**

– **(Sahih Al-Bukhari, Hadith no.2459)**

Beharhaal *Hum Sabko Gour Karna Chahiye Ke Ye Saari Sifat Kahi Hum'me Tou Nahi?*

***Jhooth, Wada-Khilafi, Gaali-galoch aur Dhoka Kahi Humara Shaiwa Tou Nahi ?**

***Kahi Hum Naam Ke Hi Musalman aur Sifat Ke Munafiq Tou Nahi ? ,...**

***Tou hume Chahiye Ke In Tamaam Mu'amlo Me Bohot Ahtiyat Karey ,..**

♥ Allah Rabbul Izzat Se Dua Hai Ke –

Allah Hume Kehne Sun'ne se Jyada Amal Ki Taufiq Ata Farmaye

👉 To be Continue...

Humey Nifaq Ki Tamam Khaslato se Bachaye Rakhey ,..

Jab Tak Hume Zinda Rakhey Islam Aur Imaan Par Zinda Rakhye...

Khatma Humara Imaan Par Ho ...

!!! Wa Akhiru Dawana Anilhamdulillahe Rabbil A'lameen !!!

=====Part 1=====

Jahannam Ka Bayan

#Part 1

“Bismillahirrahmanirrahim

Jahannum Bohat Hi Buri Qiyamgaah Aur Bahht Hi Bura Thikana Hai. *Jise Allah Taala Ne*

****Kafiron, Mushrikon Aur Fasiqon O Fajiron K Liye Tayyar Kar Rakha Hai. ★»****

-----Jahannam Ka Bayaan -----

“Allah” Ne Quran Me **Jannat** Aur **Jahannum** Dono Ka Badi Tafseel Se Zikr Farmaya Hai, Aur Un Dono Me Se Aag Aur Jahannum Ka Zikr Zyada Martaba Kiya Gaya Hai.

**Quran Me Jahannum K Bare Me Di Gayi Baaz Details Ye Hain.★»*.*

1. ♥ **Al Quran:**– Jahannum Ko Dekhte Hi Kafiron K Faces Black Ho Jayenge.

– **(Surah Yunus_ A.27)**

2. ♥ **Al Quran:**– Jahannumi Azaab Se Tang Aakar Maut Talab Karenge Laikin Unhe Maut Nahi Ayegi.

– **(Surah Furqan_ A. 13)**

3. ♥ **Al Quran:**– Jahannum Ki Aag Un Logon Ke Chehre Ka Gosht Jalaa Dalegi Aur Un Ke Jabdey (Gums) Bahar Nikal Ayenge. – **(Surah Mominoon_ A. 1--4)**

4. ♥ **Al Quran:**– Jahannum Ki Aag Na Zinda Chodegi Na Marne Degi.

(Surah Aala_ A.13)

5. ♥ **Al Quran:**– Jahannum Ki Aag Logon Ko Chiknaa Choor Kardegi. – **(Surah Humazah_ A.4)**

6. ♥ **Al Quran:**– Jahannum Me Kafiron Ko Band Karke Oopar Se Doors Band Kar Diye Jayenge. – **(Surah Humazah_ A. 8--9)**

7. ♥ **Al Quran:**– Jahannum Me Kafir Phankarein Marengi Aur Shor Itna Hoga Ke, Kaano Padi Awaaz Sunai Na Degi.– **(Surah Ambiyaa_ A. 100)**

8. ♥ **Al Quran:**– Jahannumiyon Ko Thohar Ka Zehreela Kaante Daar Badbu Daar Daraqt (Tree) Khane Ke Liye Diya Jayega.

(Surah Duqqan_ A.43)

🔴 To be Continue...

=====2=====

Jahannum ka Bayan - #Part 2

Jahannam Ka Bayan.

-----Jahannam Ke Darajaat -----

Jahannum Ke Alag Alag Darjaat Hain. Sab Se Nichle Darje Me Shadeed Tareen Azaab Hoga Aur Oopar Wale Darje Me Sab Se Kamtar Darje Ka Azaab Hoga.

♥ **Al-Quraan:**— Yaqeenan Munafiq Jahannum Ke Sab Se Nichle Darje Me Honge. Aur Tum Kisi Ko Unka Madadgar Na Paoge.

— **(Surah Nisaa_ A. 145)**

Jahannum K Darjaat Muqtalif Gunahon K Mutabiq Muqtalif Azaabon Ke Liye Maqsoos Hogi.. Wallahu Aalam..

1. »* Jahannum Ka Pehla Darja Al'jaheem Hai –

*******(Yani Bhadakti Huwi Aag Ka Gad'ha..)**

♥ **Al-Quraan:**— Jisne Sarkashi Iqtiyar Ki, Aur Duniya Ki Zindagi Ko Tarjeeh Di Uska Thikana Bhadakti Huwi Aag Ka Gad'ha Hoga.

— **(Surah Naziyaat_ A. 37---39)**

2. »* Jahannum Ka Doosra (2nd Darja) Al'hutamah Hai –

*******(Yani Chakna'choor Kar Dene Wala..)**

♥ **Al-Quraan:**— Hargis Nahi... Wo Saqs Chakna'choor Kar Dene Wali Jaga Me Phenk Diya Jayega Aur Tum Kya Jano Wo Chakna'choor Kar Dene Wali Jaga Kaisi Hai? Allah Ki Aag Hai Khoob Bhadakti Huwi..

— **(Surah Humazah_ a.4--6)**

3. »* Jahannum ka teesra darja Haawiyatu Hai –

*******(Yani Gehri Khaai..)**

♥ **Al-Quraan:**— Aur Jinke Meezan Halke Honge Unki Jaga Gehri Khaai Hogi Aur Tumhe Kya Malum Wo Gehri Khaai Kya Hai? Bhadakti Huwi Aag Hai..

(Surah Qaariyah_ A.8---11)

👉 To be Continue...

=====3=====

Jahannam Ka Bayan #Part 3

Jahannum Ka Bayan.

-----Jahannam Ke Darajaat -----

4. »* Jahannum Ka Chotha (4th Darja) Saqaraa Hai –

******(Yani -Saqt Jhulsaa Dene Wali Jaga..)*

♥ **Al-Quraan:**– An'qareeb Mai Use Saqt Jhulsaa Dene Wali Jaga Me Jhonk Dunga, Tum Kya Jano Wo Saqt Jhulsaa Dene Wali Jaga Kya Hai? Na Baqi Rakhe Na Chode Khaal Ko Jala Kar Kaala Kar Dene Wali..

– *(Surah Muddassir_ A. 26---29)*

5. »* Jahannum Ka Panchwa (5th Darja) Lazaa Hai –

******(Yani -Bhadakti Huwi Aag Ki Lapet..)*

♥ **Al-Quraan:**– Hargis Nahi... Wo To Bhadakti Huwi Aag Ki Lapet Hai Jo Sar Aur Muh Ki Khaal Udhed Degi Pukar Pukar Kar Apni Taraf Bulayegi Har Us Saqs Ko Jisne Haqq Se Muh Moda, Peett Pheri, Maal Jama Kiya Aur Karch Na Kiya..

– *(Surah Ma'arij_ A. 15---18)*

6. »* Jahannum Ka Chatta (6th Darja) Sa'eerun Hai –

******(Yani Dahekti Huwi Aag..)*

♥ **Al-Quraan:**– Qayamat K Din Kafir Kahenge Kash Hum Duniya Me Gaur Se Sunte Ya Samjhate To Aaj Is Dahekti Huwi Aag K Saza'waron Me Shamil Na Hote, Is Tarha Wo Apne Qasuron Ka Khud Aitraaf Karenge.. Laanat Hai Un Jahannumiyon Par..

– *(Surah Mulk_ A. 10--11)*

7. »* Jahannum Ke Aaqri (7th Darja) Ka Naam Zamhareer Hai –

******(Jisme Shadeed Sardi Ka Azab Diya Jayega..)*

Jahannum Ki Ek Vaadi Ka Naam (Wail) Bhi Hai..

******(Yani Halakat O Barbadi...)*

♥ **Al-Quraan:** – Kafiron Ko Hukm Hoga, Chalo Us Saye Ki Taraf Jo Teen Shaqon Wala Hai, Na Thandak Pohnchane Wala Na Aag Ki Lapet Se Bachane Wala. Ye Aag Mahel Jaisi Badi Badi Chingariyan Phekengi, Yun Mehsus Hoga Jaise Zard Rang Ke Oont (Camels) Hain. Halakat O Barbadi Hogi Us Roz Jhutlane Walon Ke Liye..

– *(Surah Mursalaat _ A. 30---34)*

♥ **Al-Quraan:** – Yeh (Naik Log) Wahan (Yani Jannat Me) Takhton Par Takiye Lagaye Huwe Bethen Ge, Na Wahan Aftab Ki Garmi Dekhein Ge Ja Sardi (Zamhareer) Ki Saqti..

– *((Surah Daher _ A.13)*

⇒ To be Continue..

=====4=====

Jahannam Ka Bayan #Part 4

Jahannum Ki Gehrai Zameen Wo Aasman Ke Darmiyani

-----Jahannum ki Wussat (width) -----

♥ **Mahfum-e-Hadees:** – Jahannum Me Girne Wala Patthar Sattar **(70) Saal Ke Baad** Jahannum Ki Teh Tak Pohnachta Hai..

– *(Sahi Muslim)*

♥ **Mahfum-e-Hadees:** Jahannum Ki Gehrai Zameen Wo Aasman K Darmiyani Faasle Se Zyada Hai..

– *(Sahi Muslim)*

Jahannum Ke Ek Ihaate (Gheraao) Ki 2 Walls Ke Darmiyan **40 Years Ki Musafat Ka Fasla** Hai.

(Isey Abu Ya'ala Ne Riwayat Kiya Hai)

Jahannum Me Ek Ek Kafir Ke Kaan Aur Kandhe Ke Darmiyan **70 Yrs Ki Musafat Ka Fasla** Hoga.

1000 Aadmiyon Mese 999 Jahannum Me Jane Ke Bawajud Jahannum Me Jaga Bach Jayegi Aur Jahannum Mazeed Logon Ka Mutalba Karegi..

♥ **Al-Quraan:**– Qayamat K Din Hum Jahannum Se Puchenge, ***Kya Tu Bhar Gayi? Wo Kahegi Kya Aur Bhi Kuch Hai? ★»***

– (Surah Qaaf_A.30)

♥ **Mahfum-e-Hadees:** Hazrat Abdullah Bin Masood Raziallahu Anhu Farmate Hain, Qayamat K Din **“Jahannum Ko *Maidan-E-Hashr Me Lane Ke Liye 4 Arab 90 Crores Farishte Muqarrar Honge. ★»* Uski 70,000 Rassiyen Hongi Aur Har Rassi Ko 70,000 Farishte Kheench Rahe Honge.**

– (Sahi Muslim)

⇒ To be Continue...

=====5=====

Jahannam Ka Bayan #Part 5

Jahannam Me Maut Nahi Hogi,

-----Jahannam Ke Azaab Ki Haulnaki-----

Jab Jahannam Kafiron Ko Dekhegi To Gusse Se Cheeqe Gi, Jise Sun Kar Kafiron K Ausaan Khata Ho Jayenge.

♥ **Al-Quraan:**– Jab Jahannam Kafiron Ko Door Se Dekhegi To Kafir Jahannam Ka Gusse Se Cheeqna Chillana Sun Lenge

– (Surah Furqan_ A.12)

♥ **Al-Quraan:**– Jab Kafir Jahannam Me Phenke Jayenge To Wo Jahannam K Dahaadne Ki Haulnak Awaazein Sunenge, Jahannam Josh Kha Rahi Hogi, Aisa Malum Hoga K Gusse K Maare Abhi Phatt Jayegi.

– (Surah Mulk_a.7---8)

♥ **Al-Quraan:**– Aye Logon Jo Iman Laye Ho Apne Apko Aur Apne Ahl O Ayaal Ko Is Aag Se Bachao Jiska Endhan Insan Aur Patthar Honge Jis Par Nihayat Tund Khu Aur Saqt Geer Farishte Muqarrar Honge Jo Kabhi Allah K Hukm Ki Naa'farmani Nahi Krte, Jo Hukm Inhe Diya Jata Hai Usey Baja Laate Hai

– (Surah Tahreem_a.6)

♥ **Al-Quraan:**– Jahannumiyon Ki Skin Jab Jal Jayegi To Fauran Dusri Skin Paida Kardi Jayegi Taaki Azaab Dene Ka Silsila Naa Tutey..

– (Surah Nisaa_a.56)

Saari Zindagi Duniya Ki Badi Badi Nematon Se Faida Uthane Wala Saqs Jahannam Ki Ek Jhalak Dekhte Hi Duniya Ki Sari Nematon Ko Bhool Jayega..III

''''''

Jahannam Me Maut Nahi Hogi, Agar Maut Hoti To Jahannami, Jahannam Ke Azaab Se Ghabraa Kar Mar Jate... ★»

⇒ To be Continue...

=====6=====

Jahannam Ka Bayan #Part 6

♥ Al-Quraan:—” **Buqaar** Jahannam Ki Bhaap Se Aata Hai.

-----Jahannam Ki Aag Ki Shiddat-----

Jahannam Ki Aag Ka Pehla Shola Hi Kafir Ke Jism Ka Saara Gosht Haddiyon Se Alag Kardegi.

♥ Al-Quraan:— Aag Unke Chehron Ko Chaat Jayegi Aur Unke Jabdey Bahar Nikal Ayenge

— (Surah Mominoon_A.104)

Jahannam Ki Aag Duniya Ki Aag Se 69 Darja Zyada Garm Hai★», Aur Uske Har Hisse Me Garmi Ki Utmi Hi Shiddat Hai Jitni Duniya Ki Aag Me Hai..

♥ Mahfum-e-Hadees: — Hazrat Abuzar RA Kehte Hain, Rasool'Allah (Sallallahu Alaihi Wasallam) Ne Farmaya – Agar Loag Jahannam Ki Aag Dekhle To Hasnaa Chod Dein, Biwiyon Se Milne Ki Khwahish Tark Kardein, Shaher Ki Araam'dah Zindagi Chod Kar Jangalon Me Jaa Ja Basein Aur Har Waqt Allah Ki Panah Talab Karte Rahein..

– (Hadees - Ibn E Maaja)

Garmiyon Ke Mausam Me Shadeed Tareen Garmi Sirf Jahannam Ki Aag Ki Bhaap Se Paida Hoti Hai..

♥ Mahfum-e-Hadees: – Hazrat Ayesha Raziallahu Anha Se Riwayat Hai K, Rasool'Allah (Sallallahu Alaihi Wasallam) Ne Farmaya – "Bukhaar Jahannam Ki Bhaap Se Aata Hai, Lihaza Usey Pani Se Thanda Karo"

– (Hadees - Sahi Bukhari)

♥ Mahfum-e-Hadees: – Hazrat Abu Saeed Khudri Raziallahu Anhu Se Riwayat Hai K, Rasool'Allah (Sallallahu Alaihi Wasallam) Ne Farmaya – "Jahannam Me Sab Se Halka Azaab Us Aadmi Ko Hoga Jise Aag Ki Jootiyan Pehnai Jayengi Jis Se Uska Damagh Khaolne Lage Ga" – (Hadees - Sahi Muslim)

"Allah'hummaa Ajirni Minan Naar"

➡ To be Continue..

=====7=====

Jahannam Ka Bayan #Part 7

Badbudar, Kadwa, Kantedar Thohar Jahannamiyon Ka Khana Hoga

----- Ahl E Jahannam ka khana aur peena -----

Jahannam Me 4 Types Ke Khaane Diye Jayenge..

1. »* **Zaqqum** (Thohar)
2. »* **Zaree** (Kaante Daar Ghaas)
3. »* **Ghisleen** (Zakhmon Ko Wash Kiya Gaya Pani)
4. »* **Zaa'ghussah** (Halaq Me Phans Kar Utarne Wala Khana)

1. Zaqqum (Thohar)

Badbudar, Kadwa, Kantedar Thohar Jahannamiyon Ka Khana Hoga, Jo Jahannam Ki Teh Me Ugtai Hai Aur Uske Shagufey Yani (Tehniyan) Zehrile Saanp Jaise Hain..

Thohar Khane K Baad Khaolta Huwa Pani Jahannamiyon Ko Peene Ke Liye Diya Jayega..

Jahannam Me Zaqqum Ka Daraqt Gunahgaron Ka Khana Hoga, Dekhne Me Tel (Oil) Ki Talchat Jaisa Hoga, Pait Me Is Tarha Josh Maare Ga Jaise Garm Pani Khaolta Hai..

– (Surah Duqqan _ A. 43---46)

Thohar Ka Kadwa'pan..

♥ **Mahfum-e-Hadees:** – Hazrat Abdullah Bin Abbas Kehte Hain, **Rasool'Allah (Sallallahu Alaihi Wasallam)** Ne Farmaya –

"**Agar Thohar Ka Ek Drop Duniya Me Gira Diya Jaye To** Saari Duniya K Jaandaron K Asbaab E Zindagi (Yani Anaaj Wagaira), Tabah Karde, Phr Us Saqs Ka Kya Haal Hoga Jis Ki Khoraak Hi Thohar Ho?"

– (Sunan, Masnad E Ahmed, Tirmizi, Nisaai, Aur Ibn E Maaja)

🔊 To be Continue...

=====8=====

Jahannam ka Bayan #Part 8

Jahannamiyon Ko Khaolte Huwe Chashme

---- (Ahl E Jahannam Ka Khana Aur Peena) ----

2. Zaree Yani Kaante Daar Ghaas (Grass)

Thohar Ke Ilawa Kantedaar Grass Aur Intehai Zehreeli Aur Badbu'dar Jhaadi Bhi Jagannamiyon Ka Khana Hoga.

♥ **Al-Quraan:-** Jahannamiyon Ko Khaolte Huwe Chashme Ka Pani Peene Ko Diya Jayega Aur Kantedaar Sookhi Ghaas K Ilawa Unke Liye Koi Khana Na Hoga Jo Mota Kare Na Bhook Mitaye Ga..

—(Surah Ghaashiya_A. 5--7)

3. Ghisleen.. (Yani, Zakhmon Ko Wash Kiya Gaya Pani)

♥ **Al-Quraan:-** Aaj Yahan In (Gunahgaron) Ka Koi Gham Khwar Hai Na Ghisleen K Ilawa Koi Khana Hai, Jise Inke Ilawa Koi Doosra Nahi Khayega...

—(Surah Haaq'qah_A. 35--37)

4. Zaa'ghussah.. (Yani, Halaq Me Phans'ne Wala Khana)

Zaqqum, Zaree Aur Ghisleen K Ilawa Jagannamiyon Ko Aisa Zehrila Khana Diya Jayega Jo Halaq See Phans Phans Kar Neeche Utrega...

♥ **Al-Quraan:**— Hamare Paas (Jahannamiyon K Liye) Bhaari Bediyaan Aur Bhadakti Huwi Aag Hai, Halaq Me Phans'ne Wala Khana Aur Dard'naak Azaab Hai..

—(Surah Muzzammil_A. 12--13)

🔴 To be Continue...

=====9=====

Jahannam ka Bayan

#Part.9

♥ **Al-Quraan:** - [Jahannami Yah \(Thohar\) Khayenge](#)

----- Ahl E Jahannam ke Mashrubat (Drinks) -----

[Jahannamiyon Ko Peene K Liye 5 Types K Mashrubat Diye Jayenge..](#)

1. » **Maa'un Hameemun--** (Khaolta Huwa Pani)
2. » **Maa'un Sadeedun--** (Zakhmon Se Behne Wala Peep)
3. » **Maa'un Kal'muhl--** (Oil Ki Talchatt Jaisa Khaolta Huwa Mashrub)

4. » **Ghass'saaqun--** (Black Badbu'dar Mashrub)

5. » **Teenatul Qabaali--** (Jahannamiyon Ka Paseena)

1. »* **Maa'un Hameemun--(khaolta huwa Pani)**

Thohar Khane Ke Baad Jahannamiyon Ko Khaolta Huwa Pani Peene Ke Liye Diya Jayega.

♥ **Al-Quraan:** – Jahannami Yahi (Thohar) Khayenge Aur Isse Apna Pait Bharenge Khane K Baad Peene K Liye Inko Khaolta Huwa Pani Milega Aur Uske Baad Unki Wapasi Isi Naar E Jahannam Ki Taraf Hogi (Jahan Se Pani Pilane K Liye Laye Gaye The)

–(Surah Swaaffaat_A. 66--67)

Khaolta Huwa Pani Peete Hi Jahannamiyon K Intestines Cut Jayenge..

2. »* **Maa'un Sadeedun--(Zakhmon se behne wala peep aur khoon)**

♥ **Al-Quraan:**– (Duniya K Baad) Aqirat Me (Kafir K Liye) Jahannam Hai Jahan Wo Peep Aur Khoon Ki Aamezish Wala Pani Pilaya Jayega **Jise Wo Zabardasti Ghoont Ghoont Kar K Peene Ki Koshish Karega Laikin Mushkil Se Hi Galey Se Utaar Sakega,** Kafir Ko Har Taraf Se Maut Aati Dikhai Degi Laikin Marne Na Payega Aur Uske Baad Bhi Saqt Azaab Uski Jaan Ka Laagu Rahega..

–(Surah Ibrahim_A. 16--17)

🔴 To be Continue...

=====10=====

Jahannam Ka Bayan #Part.10

Jahannami Pani Maange Gey To ...

----- Ahl E Jahannam Ke Mashrubaat -----

3. »*Maa'un Kal'muhl-- (Oil Ki Talchatt Jaisa Khaolta Huwa Mashrub)

♥ **Al-Quraan:**— Jahannami Pani Maange Gey To Aise Pani Se Unki TawazzeH Ki Jayegi Jo Pighley (Melted) Huwe Taanbe Jaisa Hoga Jo Chehre Ko Bhoon Daalega, Bad'tareen Peene Ki Cheez Aur Bht Hi Buri Aaram'gaah..

—(Surah kahef_A.29)

4. »*Ghass'saaqun-- (Black zehrila, badbu'dar mashrub)

♥ **Al-Quraan:**— Sarkashon (Naa'farmano) K Liye Bht Hi Bura Thikaana Hai, Yani, Jahannam. Jisme Wo Jhulsaye Jayenge Bht Hi Buri Qiyamgaah, Ye Hai Sarkashon Ka Anjam. Passs, Ab Ye Loag Mazaa Chakhenge Badbu'dar Khaolte Huwe Pani Ka, Aur Badbu'dar Shadeed Siyah Zehrile Pani Ka, Aur Isi Shakal Ke, Baaz Doosre Mashrubaat Honge..

—(Surah Swaad_A.56---58)

5. »*Teenatul qabaali-- (Jahannamiyon ka paseena)

♥ **Mahfum-e-Hadees:** — Hazrat Jaabir Raziallahu Anhu Kehte Hain, Rasool Allah Sallal'laahu Alaihi Wa Sallam Ne Farmaya, **"*Har Nashaa Awar Cheez Haraam Hai Aur Allah Taala Ne Ahad Kiya Ke, Jo Nashaa Awar Mashrub Piyega, Use"★»*** Jahannam Me Teenatul Qabaal Pilayega"... Sahaaba Kiraam Raziallahu Anhum Ne Arz Kiya, "Ya Rasool'Allah (Sallallahu Alaihi Wasallam), Teenatul Qabaal Kya Hai?".... Aap Ne Irshad Farmaya, **"*Jahannamiyon Ka Paseena"★»*....**

—(Sahi Muslim)

♥ **Al-Quraan:**— Jahannami Jannatiyon Ko Pukarenge, Kuch Thoda Sa Pani Hum Par Daal Do, Jo Rizq Allah Ne Tumhe Diya Hai, Usme Se Kuch Phenk Do. Wo Jawab Denge, Allah Ne Ye Dono Cheezien Kafiron K Liye Haraam Kardi Hain...

—(Surah Airaaf_A.50)

⇒ To be Continue...

=====11=====

Jahannam Ka Bayan #Part.11

Ilm Chupane Walon Ko Aag Ki Lagaam

Jahannaiyon Ko Aag Ka Libaas Pehnaya Jayega..

----- Jahannamiyon Ka Libaas -----

♥ **Al-Quraan:**— Ye Doh Fareeq Hain Jinke Darmiyan Apne Rabb K Muamle Me Jhagda Hai, Unme Se Jinhon Ne Kufr Kiya “**Unke Liye Aag Ke Libaas Kaate Ja Chuke Hain, Unke Saron (Heads) Par Khaolta Huwa Pani Daala Jayega Jisse** Unki Khaalein (Skins) Hi Nahi, Pait Ke Andar K Hisse Tak Gal Jayenge”...

— **(Surah Hujj_A.19--20)**

--- Quraan O Hadees Ka Ilm Chupane Walon Ko Aag Ki Lagaam Pehnai Jayega ---

♥ **Mahfum-e-Hadees:** Hazrat **Abu Hurairah** Raziallahu Anhu Kehte Hain, **Nabi-E-Kareem (Sallallahu Alaihi Wasallam)** Ne Farmaya —,... "Jis Saqs Se Deen Ka Masla Pucha Gaya Aur Usne Chupaya, To Qiyamat K Din Usey Aag Ki Lagaam Pehnai Jayegi"...

— **(Sunan Tirmizi)**

---- Jahannamiyon k Bistar ---

*Jahannamiyon Ko Araam Krne K Liye Aag K Bistar Diye Jayenge★»***

♥ **Al-Quraan:**— Kafiron Ke Liye Jahannam Ki Aag Ka Bichona Hoga Aur Jahannam Ki Aag Ka Hi Odhna Hoga, Ye Hai Wo Badla Jo Hum Zaalim Ko Diya Krte Hain...

— **(Surah Airaaf_A.41)**

⇒ To be Continue..

=====12=====

Jahannam Ka Bayan

#Part.12

Baaz Logon Ki Gardano Me Zehrile Saanp Touq Bana Kar Daale Jayenge

----- Aag K Taoq, Aag Ki Hath'kadiyan Aur Aag Ki Bediyon Ka Azaab -----

Jahannam Me Le Jane K Liye Mujrimon Ki Gardano Me Bhaari Taoq Daale Jayenge Aur Sattar Hath (70 Hands, Taqreeban 105 Feet) Lambi Zanjeeron Me Jagad Diya Jayega...

♥ **Al-Quraan:** – Farishton Ko Hukm Diya Jayega Isey Pakdo Aur Iski Gardan Me Taoq Daldo, Phr Isey Jahannam Me Jhonk Do, Phr Isey Sattar Hath Lambi Zanjeer Me Jagad Do, Ye Na Allah Buzrug Wo Bartar Ko Maanta Tha Na Miskeen Ko Khana Khilane Ki Targheeb Deta Tha...
– **(Surah Haaq'qah_A.30--34)**

Baaz Logon Ki Gardano Me Zehrile Saanp Taoq Bana Kar Dale Jayenge...

♥ **Mahfum-e-Hadees:** – Hazrat **Abu Hurairah** Raziallahu Anhu Kehte Hain, **Nabi-E-Kareem (Sallallahu Alaihi Wasallam)** Ne Farmaya –, ..."Jisko Allah Ne Maal Diya Aur Usne Zakat Ada Na Ki, To Qiyamat K Din Uska Maal Ganjey Saanp Ki Shakal Ban Kar Jiski (Saanp Ki) Ankhon Par 2 Dots Honge Uske Galey Ka Taoq Hojayega, Phr Uski Dono Baanchein Pakad Kar Kahega, Mai Tera Maal Hun, Mai Tera Khazana Hun..
– **(Sahi Bukhari)**

🔊 To be Continue...

=====13=====

~Jahannum Ka Azaab - Part 13~

Kafir Ka Daant Jahannam Me Ahad Pahaad K Barabar Hoga

---- Jismon (Bodies) Ko Bada Karne Ka Azaab ----

♥ **Mahfum-e-Hadees:** – Hazrat **Abu Hurairah** Raziallahu Anhu Kehte Hain, **Nabi-E-Kareem (Sallallahu Alaihi Wasallam)** Ne Farmaya –,.. "Kafir Ka Daant Jahannam Me Ahad Pahaad Ke Barabar Hoga, Aur Uski Skin Ki Motaai, Teen Din Ki Musafat Ke Barabar Hogi"..
– **(Sahi Muslim)**

Baaz Kafiron K Kaan Aur Kandhe K Darmiyan 70 Yrs Ka Fasla Hoga, Aur Unke Jism Me Khoon Aur Peep Ki Vadiyan Beh Rahi Hongi..

Hazrat **Mujahid Raziallahu** Anhu Kehte Hain, Hz Abdullah Bin Abbas Raziallahu Anhu Ne Mujh Se Daryaft Kiya, "Kya Tumhe Jahannam Ki Wussat Ka Ilm Hai? Maine Arz Kiya Nahi! Hazrat Abdullah Bin Abbas Ra Ne Farmaya, Haan, Wallah Tum Nahi Jante,

Suno, Jahannami K Kaan Se Kandhe Tak 70 Yrs Ki Musafat Ka Fasla Hoga Jis K Darmiyan Peep Aur Khoon Ki Vadiyan Beh Rahi Hongi, Maine Arz Kiya, Kya Nehrein Bahe Gein? Hazrat **Abdullah Bin Abbas** RA Ne Farmaya, Nahi, Balki Vadiyan (Nehron Se Zyada Wasee) Bahe Gein".....

– **(Isey Abu Na'eem Ne Huliya Me Riwayat Kiya Hai)**

🔊 To be Continue..

=====14=====

~Jahannum Ka Azaab - Part 14~

Muh Ke'bal Chalaye Jane Ka Azaab Aur Ghaseete Jane Ka Azaab

Farishte Kafiron Ko Muh Ke'bal Jahannam Me Ghaseete'ge..

♥ **Al-Quraan:-** Us Roz Kafir Muh Ke'bal Aag Me Ghaseete Jayenge, Us Roz Unse Kaha Jayega Chakho Jahannam Ki Aag Ka Mazaa..

– (Surah Qamar_A.48)

Muh Ke'bal Uthne Wale Kafir Andhey, Goongey, Aur Behrey Bhi Honge..

♥ **Al-Quraan:-** (Gumrah logon Ko) Hum Qayamat K Roz Andhey, Goongey Aur Behrey Kar K Muh Ke'bal Uthayenge, Unka Thikana Jahannam Hai. Jab Kabhi Uski Aag Dheemi Hone Lagegi Hum Usey Bhadka Denge..

– (Surah Bani Israail_A.97)

Abu Jahal Ko Farishte Peshani K Balon Se Pakad Kar Jahannam Me Ghaseete Ge..

♥ **Al-Quraan:-** Hargiz nahi, agar wo baaz na aya to hum uski peshani k Baal pakad kar ghaseete'ge, uski peshani Ko Jo jhooti aur saqt khata kaar hai...

– (Surah Alaq_A.15--16) oo

Dikhawe Aur Riya Ki Ibadat Krne Walon Ko Bhi Muh Ke'bal Ghaseet Kar Jahannam Me Dala Jayega.

🗨 To be Continue...

~Azab-e-Jahannum aur Uska Bayaan~

|| •HADEES E PAAK• ||

★ "Jahannam aur Usme Hone Wala Dardnak Azab..!

"Bismilahirrahmanirrahim

♥ **Mahfum-e-Hadees:-** **Abu Dawood, Nasa'i Aur Tirmizi** Ki Riwaayat Hai, Jab Allah Ta'ala Ne Jannat Aur Jahannam Ko Paida Farmaya To **Jibraeel عليه السلام** Ko Bheja Ke Jannat Aur Usmein Jo Kuch Bhi Maine Jannatiyon Ke Liye Taiyyaar Kiya Hai , Use Dekh Aao, **Jibraeel عليه السلام** Ne Aa Kar Jannat Aur Usmein Rehnewaalon Ke Liye Taiyyaarshuda Ne'maton Ko Dekha Aur Baargaah E Ilaahi Mein Jaa Kar Arz Kiya,tere **Izzat Wa Jalaal Ki Qasam ! Jo Bhi Iska Tazkira Sunega Ismein Aane Ki Koshish Karega**, Allah Ta'ala Ne Hukm Diya Aur Jannat Par Masaab-taari Kar Diye Gaye , Phir Allah Ta'ala Ne Farmaya Jao Aur Dekho Ke Maine Jannat Mein Aanewaalon Ke Liye Kya Intezaam Kiya Hai ? Jibraeel Jannat Ki Taraf Aaye To Dekha Ke Woh Masaab Mein Chupa Di Gayi Hai, Chunaanche Jibraeel Waapas Aagaye Aur Kaha Mujhe Teri Izzat Ki Qasam Mujhe Darr Hai Ke Ismein Koi Nahi Jaayega.

Phir Allah Ta'ala Ne Farmaya Jao Jahannam Aur Usmein Pohonchne Waalon Ke Liye Maine Jo Kuch Taiyyaar Kiya Hai Use Dekho, Jibraeel Ne Jahannam Ko Dekha Uski Aag Ek Doosri Aag Ko Raund Rahi Thi, **Jibraeel عليه السلام** Waapas Aa Gaye Aur Baargaah E Ilaahi Mein Arz Ki **Teri Izzat Ki Qasam ! Jo Bhi Iska Tazkira Sunega Usmein Nahi Aayega**, Allah Ta'ala Ne Hukm Diya Aur Jahannam Ko Shahwaat Se Dhaanp Diya Gaya. Rab Ta'ala Ne **Jibraeel عليه السلام** Se Farmaya Ab Jao Aur Use Dekho, **Jibraeel عليه السلام** Aaye , Jahannam Ko Dekha Aur Waapas Jaa Kar Baargaah E Ilaahi Mein Arz Ki ,teri Izzat Ki Qasam Mujhe Darr Hai Ke Koi Bhi Usmein Girne Se Nahi Bachega.

Baihaqqi Ne **Hazrate Abdullah Bin Mas'ood رضي الله عنه** Se Riwaayat Ki Hai ,

Unhone **Farmaane Ilaahi :**

"beshak Jahannam Mahallon Jaisi Chingaariyaan Phenkti Hai."

Ki Tashreeh Mein Farmaaya, Ye Nahi Kehta Ke Woh Darakhton Jitni Badi Chingaariyan Phenkti Hai Balke Qilon Aur Shehron Jitni Badi Badi Chingaariyan Phenkti Hai.

Ahmed, Ibne Maajaa, Sahih Ibne Habbaan Aur Haakim Ki Riwaayat Hai Ke Wail Jahannam Ki Ek Waadi Hai , **Kaafir Usmein 40 Saal Baraabar Girta Chala Jaayega Magar** Uski Gehraayi Tak Nahi Pohonch Sakega.

Tirmizi Ki Riwaayat Hai Ke **Wail Jahannam Ki Ek Waadi** Hai , **Kaafir 70 Saal Mein Bhi Iski Gehraayi Tak Nahi Pohonch Sakega.**

(Dono Riwaayat Mein Gehraayi Tak Pohonchne Ki Muddat Ka Farq Hai , Dono Ka Maqsad Ye Hai Ke Uski Gehraayi Bohot Hi Zyaada Hai Jo Barson Mein Taiy Hogi).

Jubbul Huzn Ka Azaab :

Ibne Maajaa Aur Tirmizi Ki Hadees Hai, Aapne Farmaya Ke **Jubbul Huzn** Se Allah Ki Panaah **Maango**, Sahaba E Kiraam Ne Poocha Yaa **Rasool'Allah (Sallallahu Alaihi Wasallam)** Jubbul Huzn Kya Hai ? Aapne Farmaya **Jahannam Ki Ek Waadi Hai Jisse Jahannam Bhi Din Mein Chaar Sau (400) Martaba Panaah Maangta Hai**, Poocha Gaya **Huzoor!** Usmein Kaun Jaayenge ? Aapne Farmaya Woh Riyaakaar Qaariyon Ke Liye Taiyyaar Ki Gayi Hai Jo Apne Aamaal Ki Numaish Karte Hai Aur Allah Ta'ala Ke Yahaan Sabse Zyada Naapasand Aise Qaari Hai Jo Zaalim Haakimon Se Mel-jol Rakhte Hai.

Tibraani Ki Riwaayat Hai Ke Jahannam Mein Ek Aisi Waadi Hai Ke **Jahannam Us Waadi Se Din Mein 400 Martaba Panaah Maangta Hai Aur** Ye Huzoor **صلی اللہ علیہ وسلم** Ki Ummat Ke **Riyaakaaron Ke Liye Taiyyaar Ki Gayi** Hai.

Ibne Abi Al Duniya رحمت الله عليه Ki Riwaayat Hai Ke Jahannam Mein 70,000 Waadiyaan Hai ,har Waadi Mein 70,000 Ghaatiyaan Hai ,har Ghaati Mein 70,000 Suraakh Hai, Har Suraakh Mein Ek Saanp Hai Jo Daulakhiyon Ke Chehron Ko Dasta Rehta Hai.

Bukhaari Ne Apni Taareekh Mein Ye Munkirus-sanad Hadees Naql Ki Hai Ke **Jahannam Mein 70,000 Waadiyaan Hai** , Har Waadi Mein **70,000 Ghaatiyaan Hai**, Har Ghaati Mein 70,000 Ghar Hai, Har Ghar Mein 70,000 Makaan Hai , Har Makaan Mein 70,000 Kunwe Hai, Har Kunwe Mein **70,000 Asdahe Hai** Har Asdaha Ki Baachon Mein **70,000 Bichchoo Hai**. Kaafir Aur Munaafiq Un Tamaam Ka Azaab Paaye Bagair Nahi Rahega.

Tirmizi Mein Munqatius-sanad Riwaayat Hai Ke Jahannam Ke Kinaare Se Azeem Chattaan Ludkaayi Jaati Hai Aur 70 Saal Guzarne Ke Baawajood Bhi Woh Jahannam Ki Gehraayi Tak Pohonch Nahi Paati Hai.

Hazrate Umar رضي الله عنه Farmaya Karte **Jahannam Ko Aksar Yaad Kiya Karo Kyunki Uski Garmi Sakht** ,uski Gehraayi Behadd Hai Aur Usmein Lohe Ke Hathaude Hai.

Bazaaz, Abu Yo'laa , Sahih Ibne Hibbaan Aur Baihaqqi Ki Riwaayat Hai Ke Agar Jahannam Mein Paththar Phenka Jaaye Aur Usey Neeche Jaate Huwe 70 Saal Guzar Jaayein, Tab Bhi Woh Uski Gehraayi Tak Nahi Pohonch Sakega.

Muslim Mein Hazrate Abu Huraira رضي الله عنه Se Marwi Hai Ke Hum **Huzoor sallallahu alayh wasallam** Ke Saath The Ke **Humne Ek Dhamaka Suna** , Huzoor (ﷺ) Ne Farmaya Jaante Ho Yeh Kya Tha ? Humne Arz Kiya Allah Aur Uska Rasool (ﷺ) Zyada Jaante Hai , Aapne Farmaya Yeh Paththar Tha **Jise Allah Ta'ala Ne 70 Saal Pehle Jahannam Mein Daala Tha**, Abhi Bhi Woh Uski Gehraayi Tak Pohonch Saka Hai.

Tibraani Mein Hazrate **Abu Saeed Khudri** رضي الله عنه Se Marwi Hai , **Huzoor sallallahu alayh wasallam** Ne Ek Haulnaak Aawaaz Suni , **Jibraeel عليه السلام** Huzoor ﷺ Ke Paas Aaye To Aapne Poocha , Jibraeel Ye Kaisi Aawaaz Thi ? Jibraeel عليه السلام Ne Arz Kiya, Ye **Chattaan Thi Jise 70 Saal Pehle Jahannam Ke Kinaare Se Giraaya Gaya Tha** Aur Woh Abhi Jahannam Ki Gehraayi Tak Pohonchi Hai, Allah Ta'ala Ne Chaaha Ke Aapko Bhi Uski Aawaaz Suna Di Jaaye, Iske Baad Kisi Ne Wisaal Tak Aapko Hanste Huwe Nahi Dekha.

Ahmed Aur Tirmizi Ki Riwaayat Hai Ke **Huzoor sallallahu alayh wasallam** Ne Sar Ki Taraf Ishaara Karke Farmaya, **Agar Is Jitna Seesa Aasmaan Se Zameen Ki Taraf Phenka Jaaye To Zameen Wa Aasmaan Ki 500 Saal Safar Ki Doori Ke Baawajood Raat Se Pehle-pehle Ye Zameen Par Aa Jaaye** Aur Agar Ise Jahannam Ke Kinaare Se Jahannam Mein Phenka Jaaye To 40 Saal Guzarne Se Pehle Uski Gehraayi Tak Naa Pohonch Sake.

Ahmed , Abu Yo'laa Aur Haakim Ki Riwaayat Hai Ke Agar Jahannam Ka Hathauda Jo Lohe Se Taiyyaar Kiya Hua Hai , Zameen Par Rakh Diya Jaaye Aur Jinn O Insaan Mil Kar Usey Uthaana Chaahe To Usey Uthaa Nahi Sakenge.

Haakim Ki Riwaayat Hai Ke Agar Pahaad Par Hathaude Ki Ek Zarb Lagaayi Jaaye To Woh Reza Reza Ho Kar Ret Ban Jaaye.

Ibne Abi Al Duniya Ki Riwaayat Hai Ke Agar Jahannam Ka Ek Paththar Duniya Ke Pahaadon Par Rakh Diya Jaaye To Woh Uski Garmi Se Pighal Jaayein.

Haakim Ki Ek Riwaayat Hai Ke Zameenein 7 Hai Aur Har Zameen Ka Doosri Zameen Ke Darmiyaan 500 Saal Ke Safar Ke Baraabar Faasla Hai ,

1, Sabse Upar Waali Zameen Machli Ki Pusht (peeth) Par Hai Jisne Apni Dono Aankhein Aasmaan Se Milaayi Hui Hai, Machli Chattaan Par Hai Aur Chattaan Farishte Ke Haath Mein Hai,

2, Doosri Zameen Hawa Ka Qaid Khana Hai, Jab Allah Ta'ala Ne Qaum E Aad Ki Halaakat Ka Iraada Farmaya To Hawa Ke Khaazin Ko Farmaya Ke Unpar Hawa Bhej, Jo Unko Halaak Karde, Khaazin Ne Arz Kiya Yaa Allah! Main Unpar Bail Ke Nathnon Ke Baraabar Hawa Bhejunga, Rabbe Zuljalaal Ne Farmaya Tab To Duniya Ki Tamaam Makhlooq Halaak Ho Jaayegi Aur Ye Sabke Liye Kaafi Hogi, Unpar Angoothi Ke Suraakh Ke Baraabar Hawa Bhejo Aur Yehi Woh Hawa Hai Jiske Muta'alliq **Irshaad E Ilahi Hai :**

"usne Kisi Cheez Ko Nahi Chorda , Jinpar Woh Aayi Magar Usey Bosidaa Haddi Ki Tarah Kar Diya.

3, Teesri Zameen Mein Jahannam Ke Patthar Hai ,

4, Chauthi Zameen Mein Jahannam Ka Gandhak Hai, Sahaba E Kiraam Ne Arz Kiya Yaa Rasoolallah ! **سَلَّالَهُنَّ اَلْاُيُنَّ وَاسَلَّام** Jahannam Ke Liye Bhi Gandhak Hai ? **Aapne Farmaya Bakhuda Usmein Gandhak Ki Kayi Waadiyaan Hai** , Agar Un Mein Buland Wa Baala Mustahkam Pahaad Daale Jaayein To Narm Ho Kar Reza Reza Ho Jaayein ,

5, Paanchvi Mein Jahannam Ke Saanp Hain Jinke Munh Gaaron Ki Tarah Hai Jab Woh Kaafir Ko Ek Martaba Dasenge To Uski Haddiyon Par Gosht Baaki Nahi Rahega .

6, Chhatti Mein Jahannam Ke Bichhoo Hai Jinmein Sabse Chhota Bichhoo Bhi Pahaadi Khacchar Ke Baraabar Hai, Woh Jab Kaafir Ko Dasega To Kaafir Jahannam Ki Shiddat Aur Garmi Ko Bhool Jaayega.

Saathvi Mein Iblees Lohe Se Jakda Hua Hai , Uska Ek Haath Aage Aur Ek Peeche Hai , Jab Allah Ta'ala Chaahta Hai Ke Usey Kisi Bande Ke Liye Chord De To Usey Chord Deta Hai.

Ahmed , Tibraani , Sahih Ibne Hibbaan Aur Haakim Ki Riwaayat Hai Ke Jahannam Mein Bukhti Oonton Ki Gardanon Jaise Saanp Hai Jab Unmein Se Koi Ek Dasta Hai To Uski Garmi Sattar Saal Ke Raaste Ki Doori Se Mehsoos Ki Jaati Hai Aur Jahannam Mein Pahaadi Khaccharon

Jaise Bichhoo Hai , Jab Woh Daste Hain To Unki Garmi Chaalees Saal Ki Door Se Mehsoos Ki Jaati Hai .

Tirmizi , Sahih Ibn E Hibbaan Aur Haakim Ki Riwaayat Hai Ke Huzoor ﷺ Ne Farmaane Ilaahi -

" Kaal Mohle" Ke Baare Mein Farmaaya Hai Ke Woh Zaitoon Ke Tel Ki Talchat Ki Tarah Hoga , Jab Woh Unke Chehron Ke Qareeb Aayega To Unke Chehre Ki Khaal Baalon Samet Udhad Kar Usmein Gir Jaayegi .

Tirmizi Ki Riwaayat Hai Ke Garm Paani Unke Saron Par Daala Jaayega To Woh Shadeed Garm Paani Unke Saron Se Guzar Kar Unke Pet Mein Asar Andaaz Hoga Aur Jo Kuch Unke Peton Mein Hoga Usey Baahar Nikaal Dega Yahan Tak Ke Usi Shiddat Se Unke Pairon Se Beh Niklega Aur Unke Wajood Ki Charbi Khatm Kar Dega , Fir Dobaara Usey Waise Hi Daala Jaayega Aur Baar Baar Insaanon Ko Bhi Pehli Waali Haalaton Par Kiya Jaata Rahega .

Zahhaak Ka Qaul Hai Ke Hameem Woh Garm Paani Hai Jo Zameen O Aasmaan Ki Paidaish Ke Waqt Se Jahannamiyon Ko Pilaane Ke Waqt Tak Baraabar Garm Ho Raha Hai Aur Phir Unhe Pilaane Ke Saath Unke Saron Par Bhi Daala Jaayega .

Ek Qaul Yeh Hai Ke Woh Jahannam Ke Ghadon Mein Jamaa Hone Waale Jahannamiyon Ke Aansu Honge Jo Unhein Pilaaye Jaayenge , Aur Bhi Mukhtalif Aqwaal Hai.

♥ **Al-Quraan:** Quran E Paak Mein Isi Paani Ka Zikr Hai , **Irshaad E Ilaahi Hai :**

"*★aur Woh Garm Paani Piyenge Jo Unki Antadiyaan Kaat Dega★»*

Ahmed , Tirmizi Aur Haakim Ki Riwaayat Hai , Huzoor ﷺ Ne Is Farmaan E Ilaahi Ke Baare Mein :

"*★aur Usey Peep Ka Paani Pilaaya Jaayega Jise Woh Ghoont Ghoont Piyega Aur Usey Gale Se Utaar Nahi Sakega." ★»*

Farmaaya Ke Dauzakhi Usey Apne Munh Ke Qareeb Laayega To Uski Badboo Ki Wajah Se Usey Sakht Naapasand Karega Magar Jab Pyaas Ke Maare Munh Ke **Aur Zyaada Qareeb Layega To Uska Munh Bhun Jaayega Aur Uske Sar Ki Khaal Baalon Samet Usmein Gir Jaayegi** Aur Jab Woh Usey Ghoont Ghoont Piyega To Woh Uski Antadiyaan Kaat Kar Baahar Nikaal Dega Chunaanche **Farmaan E Ilaahi Hai:**

"★ aur Jab Woh Fariyaad Karenge To Unki Fariyaad Rasi Ki Jaayegi , Aise Paani Ke Saath Jo Gale Huwe Taambe Jaisa Hoga Jo Unke Dehnon (munh) Ko Bhun Daalega , Woh Bohot Bura Peena Hai. ★»"

Ahmed Aur Haakim Ki Riwaayat Hai Ke Agar Jahannam Ke Badboodaar Paani Ka Dol Duniya Mein Giraa Diya Jaaye To Tamaam Makhlooq Uski Badboo Se Pareshaan Ho Jaaye ,us Paani Ka Naam Gassaaq Hai Jiska **Farmane Ilaahi** Mein Bhi Zikr Hai Chunaanche **Irshaad Hota Hai Ke "pas Chakho Garam Paani Aur Gassaaq Ko "** Aur Jahannamiyon Ke Mashroob Ke Muta'alliq Irshaad Farmaya "magar Garam Paani Aur Gassaaq Hoga" Gassaaq Ke Maana Mein Kuch Ikhtilaaf Hai.

Hazrate **Ibne Abbas رضي الله عنهما** Ka Qaul Hai Ke Is Se **Muraad Woh Mawaad Hai Jo Jahannamiyon Ke Chamdon Se Bahega** Aur Baaz Mufasssireen Ka Kehna Hai Ke **Is Se Muraad Unki Peep Hai .**

Hazrate Kaab رضي الله عنه Ka Qaul Hai Ke Woh Jahannam Ka Ek Kuwaan Hai Jisme Har Zahreeli Cheez Jaise Saanp Bichchoo Wagaira Ka Zaher Behkar Aayega Aur Wahan Jamaa Hota Rahega Phir Kaafir Ko Wahan Laaya Jaayega Aur Usey Usmein Gota Diya Jaayega, Jab Woh Niklega To Uska Chamda Aur Gosht Gir Chuka Hoga Aur Uske Pairon Aur Taangon Ke Peeche Chintaa Huwa Ghaseet-ta Huwa Aayega Jaise Aadmi Apne Kisi Kapde Ko Ghaseet-ta Huwa Laata Hai.

Tirmizi Ki Riwaayat Hai Ke **Huzoor sallallahu alayne wasallam** Ne Ye Aayat Padhi :

"★Allah Se Kamaa Haquhu Daro Aur Tum Hargiz Na Maro Magar Ye Ke Musalmaan Ho Kar Maro." ★»"

Aur Farmaya Ke **Zaqqoom Ka Agar Ek Qatra Zameen Par Daal Diya Jaaye** To Makhlooq Par Zindagi Guzaarna Dubhar Ho Jaaye, Us Shakhs Ka Kya Haal Hoga Jiski Giza Hi Zaqqoom Hogi.

Doosri Riwaayat Ke Alfaaz Ye Hai, Us Shakhs Ka Kya Haal Huwa Jiska Zaqqoom Ke Siwa Koi Khaana Nahi Hoga.

Hazrate **Ibne Abbas رضي الله عنهما** Se Sahi Riwaayat Ke Saath Marwi Hai, Unhone Farmane Ilaahi:

"★ aur Khaana Gale Mein Phans Jaanewala." ★»"

Ki Tafseer Mein Farmaya Ke Us Mein Kaante Honge Jo Halaq Pakad Lenge, Naa Upar Aayenge Aur Naa Neeche Pet Mein Utrenghe.

Kafir Ka Wajood Dozakh Me (Jahannamiyon Ke Jism) -

Bukhaari Aur Muslim Ki Riwaayat Hai Ke Kaafir Ke Kandhon Ka Darmiyaani Faasla Tez Raftaar Sawaar Ke Teen Din Ki Masaafat Ke Baraabar Hoga.

Ahmed Ki Riwaayat Hai Ke Kaafir Ki Daadh Ohad Pahaad Ke Baraabar Hogi Aur Uski Raan Baizaa Pahaad Ke Misl Hogi Aur Jahannam Mein Uski Baithak Qadeed Aur Makkah Muazzama Ke Darmiyaani Faasle Ke Baraabar Hogi Yaani Teen Din Ke Safar Ke Baraabar, Uske Chamde Ki Motaayi Bayaalis Yamani Haath Hogi Yaa Bayaalis Ajami Haath, Ibne Habbaan Ne Pehle Qaul Ko Tarjeeh Di Hai.

Muslim Ki Riwaayat Hai Ke Kaafir Ki Daadh Yaa Daant Ohad Pahaad Jaisa Hoga Aur Uske Chamde Ki Motaayi Teen Din Ke Safar Ke Baraabar Hogi.

Tirmizi Ki Riwaayat Hai Rasool'Allah (Sallallahu Alaihi Wasallam) Ne Farmaya – Ke Qayamat Ke Din Kaafir Ki Daadh Ohad Pahaad Ke Baraabar Hogi, Uski Raan Baizaa Ke Baraabar Aur Jahannam Mein Uski Baithak Teen Din Ke Safar Ke Baraabar Hogi Jaise Zabda Aur Madeena Ka Darmiyaani Faasla Hai.

Ahmed Ki Riwaayat Hai Ke Qayamat Ke Din Kaafir Ki Daadh Ohad Pahaad Jaisi Hogi, Uske Chamde Ki Motaayi Sattar Haath Hogi, Uska Baazu Baizaa Pahaad Jaisa Aur Uski Raan Darqaan Jaisi Aur Jahannam Mein Uski Baithak Mere Aur Zabda Ke Darmiyaani Faasle Ke Baraabar Hogi, Ek Riwaayat Mein Hai Ke Jahannam Mein Uski Baithak Teen Din Ke Safar Ke Baraabar Hogi Jaise Zabda Hai.

Ahmed ,tirmizi Aur Tibraani Ki Riwaayat Hai , Jise Haafiz Munzari Ne Achchi Sanad Waali Hadees Kaha Hai Aur Tirmizi Ne Isey Fuzail Bin Yazeed Se Naql Kiya Hai Ke Kaafir Jahannam Mein Ek Yaa Do Farsakh Ke Baraabar Lambi Zabaan Jahannam Mein Kheenchna Phirega Aur Log Usey Raundte Hoge , Ek Farsakh Teen Meel Ke Qareeb Hota Hai .

Fuzail Bin Yazeed Ne Abil Ijlaan Se Riwaayat Ki Hai Ke Kaafir Qayamat Mein Do Farsakh Lambi Zabaan Kheench Raha Hoga Aur Log Usey Raund Rahe Honge.

Baihaqi Wagaira Ki Riwaayat Hai Ke Jahannamiyon Ke Jism Jahannam Mein Bohot Bade Kar Diye Jaayenge, Yahan Tak Ke Uske Kaan Ki Lau Se Uske Kandhe Tak 700 Saal Ke Safar Ka Faasla Hoga , Uski Khaal Ki Motaayi 70 Haath Aur Uski Daadh Jabal E Ohad Ke Baraabar Hogi.

Ahmed Aur Haakim Ne Ba-sanad E Sahi Mujaahid Se Riwaayat Kiya Hai Ke Hazrate Ibne Abbas رضي الله عنهما Ne Farmaya Jaante Ho Jahannamiyon Ke Jism Kitne Azeem Honge ? Maine Kaha Nahi ,tab Unhone Kaha Haan Baakhuda Tum Nahi Jaante Ke Uske Kaan Ki Lau

**Aur Unke Kandhe Ke Darmiyaan 70 Saal Ke Safar Ka Faasla Hoga, Uski Waadiyon Mein
Khoon Aur Peep Rawaan Hogi, Maine Kaha Nehrein Hongi To Unhone Farmaya Nahi Balki
Waadiyaan Hongi.**

***~*--❧❧❧❧❧----Mumtaz Parveen-----❧❧❧❧❧--*~*-**
●-----❧❧❧❧❧-----●